

**T**O T & tanta sunt aquarum miracula, ut vix magno volumine comprehendendi possint, de quibus parsim varii egerunt authores. Sed præ omnibus duæ aquæ Philosophicæ celebrantur economine, quod quasi cæterarum omnium vires & proprietates non tantum æmulentur, sed quoque superent. Sybaris, Axus Macedoniæ, Melas Bœotiaæ, fluvii, nigras reddūt pecudes, si bibātur; Crathis verò, Clitonus Mevaniæ & Cephisus fluvii ex nigris albas. Aquæ Sinueßanæ in Campaniæ regione sterilitatem utriusque sexus abolent. Afrodissius fluvius mulieres steriles facit: Cabura fons Mesopotamiæ aqua habet jucundè olentem; Anygri aqua in Peloponneso admodum fœtet: Jovis Hammonii fons die friget, noctu calitet, manè & vesperi tepet alternis vicibus. Reliqua nemoremur, omnia etiam contraria sibi invicem à Philosophorum aquis præstantur. De quibus Lullius lib. de Quinta essent. distin: 3. de inceratione; Et sic est, inquit, duplex consideratio in arte, scilicet componere ex una natura unius metalli duos liquores contrarios in compositione; unum, qui virtutem habeat fixantem, congelantem & indurantem, & alterum, qui sit volatilis, infixus & mollis. Iste verò secundus liquor induratur, fixatur & congelatur per primum: Ex quibus ambobus liquoribus resultat unus lapis congelatus fixus & induratus, qui habet virtutem congelandi non congelatum, indurare mollificum & mollificare durum. Ex quibus apparet quæ sint aquæ illæ binæ, & cur in unam aquam redigendæ: Lapis enim aqua dicitur, quia funditur, & vice versa, aqua lapis, quia teritur. Verùm ex locis diversis hæ aquæ ducuntur, interdum longo tractu, velut Romæ videre est circa Aquam Virginis aliósque fontes factitios, & deinde per cōfluxum miscenda sunt, ut una fiat ex duabus. Si enim una est virtutis calidæ & altera frigidæ, commixtae mixtas vires obtinebunt & miro modo se invicem temperabunt: Hinc aquæ medicatæ & thermæ præstantissimæ orientur, quæ omnis generis morbos & affectus profligabunt, hominémque firmæ sanitati restituent. Natura quidem occulto suo compositionis artificio multas aquas terræ gremio cum diversis mineralium virtutibus confundit & miscet, quæ plurimis ægris sint saluti-

TOT